

IBADA YA KILA SIKU

TOLEO LA 4

Novemba
2022

Habari Njema

KILA SIKU

**BURE
HAKIUZWI**

KITABU HIKI CHA
IBADA KIMESHALIPIWA
NA WASHIRIKA WETU
ILI KISAMBAZWE BURE

KAMA VILE MAJI YA BARIDI KWA MTU MWENYE KIU, NDIYO ILIYO **HABARI NJEMA** ITOKAYO KATIKA NCHI YA MBALI. [MITHALI 25:25]

Uebert & BeBe
ANGEL



Become a
GoodNewsWorld
PARTNER



PARTNER NOW AND HELP SPREAD
THE **GOODNEWS** AROUND THE WORLD

VISIT www.goodnewsworld.com/partner



UEBERT & BEBE ANGEL

Wakiwa na miaka mingi ya kufanya huduma ya Mungu, Uebert na Bebe Angel ni mapainia na sauti zinazoongoza kwenye kutangaza habari njema ya neema ya Mungu (Euangelion) pamoja na unabii duniani kote. Kwa pamoja ni waandishi bora wa vitabu kama Habari Njema, Intimacy, Prayer Banks, Supernatural Power of the Believer n.k. Uebert na Bebe Angel ni wazungumzaji wanaotafutwa kwenye mikutano sehemu mbalimbali duniani, ni viongozi wa kidunia. Wanatambulika na kuheshimika kwa maono yao, uvumbuzi na ujasiri wao. Kama waanzilishi wa Kanisa la Good News (Spirit Embassy), na wenye ofisi ya kinabii, wamegusa maisha ya mamilioni ya watu ulimwenguni kupitia mapenzi yao ya kuvuna nafsi na kuleta ufunuo wa habari njema ya neema ya Mungu (Euangelion).



THE APOSTLE'S CREED FOR THE GOODNEWS WORLD

I BELIEVE IN GOD THE FATHER ALMIGHTY, CREATOR OF HEAVEN AND EARTH.

I BELIEVE IN JESUS CHRIST. HIS ONLY SON, OUR LORD,

WHO IS CONCEIVED BY THE HOLY SPIRIT, BORN OF THE VIRGIN MARY,

SUFFERED UNDER PONTIUS PILATE, WAS CRUCIFIED, DIED AND WAS BURIED.

HE DESCENDED TO THE DEAD AND ON THE THIRD DAY HE ROSE AGAIN,

HE ASCENDED INTO HEAVEN. HE IS SEATED AT THE RIGHT HAND OF THE FATHER

AND HE WILL COME TO JUDGE THE LIVING AND THE DEAD.

I BELIEVE IN GOD THE FATHER, GOD THE SON, OUR LORD, SAVIOR AND KING, JESUS CHRIST,

I BELIEVE IN GOD, THE HOLY SPIRIT, ONE GOD WHO MANIFESTS HIMSELF IN THREE OFFICES

AND I BELIEVE IN THE PROPHET

BECAUSE GOD DOES NOTHING UNTIL HE REVEALS IT TO HIS SERVANTS, THE PROPHETS.

I BELIEVE IN HIS PROPHET, THE HIGHLY ESTEEMED UEBERT ANGEL,

THE SERVANT OF THE MOST HIGH GOD.

I BELIEVE IN SPIRIT EMBASSY, THE GOODNEWS CHURCH,

THE GOODNEWS NATION, THE GOODNEWS WORLD.

THE SPREADING OF THE GOODNEWS REVELATION AROUND THE WORLD AS TAUGHT BY HIS PROPHET.

I BELIEVE IN THE CHRISTIAN CHURCH.

I BELIEVE IN THE INDWELLING POWER OF GOD, THE HOLY SPIRIT THAT MAKES POWER AVAILABLE

FOR MIRACLES, SIGNS AND WONDERS TO WHOSOEVER BELIEVES.

I BELIEVE IN GOD'S DESIRE FOR MY PROSPERITY AND HEALTH AS TAUGHT BY THE WORD OF GOD.

I BELIEVE IN THE PROPHETIC AND IN ALL THE OPERATION OF THE GIFTS OF THE HOLY SPIRIT.

THE COMMUNION OF SAINTS, THE FORGIVENESS OF SINS, THE RESURRECTION OF THE BODY. THEREFORE,

I BELIEVE IN THE SOON COMING OF OUR LORD JESUS CHRIST AT THE RAPTURE.

I BELIEVE IN HIS MILLENNIAL REIGN AND THE LIFE EVERLASTING IN JESUS NAME. *Amen!*



**Tito 3:9**

“Lakini maswali upuzi ujiepushe nayo, na nasaba, na magomvi, na mashindano ya sheria; kwa kuwa hayana faida, tena ni hayana maana.”

Mabishano yasiyo na maana mara nyingi hutokea uinjilisti unapofanyika katika miji mikubwa. Kuna watu ambao timu ya uinjilisti itakutana nao wamejaa maswali mengi, ili tu kuzua mabishano. Ufahamu wa mtu anayeuliza swali ni ama kujua kwa dhati, kuthibitisha kwamba yeye anajua zaidi kuliko wewe, au ajenda iliyofichwa ya kujadili ubora wa kidini, akitaka kuonyesha kwamba dini yao wanajua zaidi na ni bora zaidi. Katika mazungumzo, unapaswa kutambua ikiwa majadiliano yanacelekea upande ufaao au yanalenga mabishano yasiyo na maana, kama vile andiko letu la siku linavyoonyesha.

Usivutwe kwenye mijadala isiyo na faida au mabishano kuhusu Ukristo kwa sababu yanaleta malumbano na mashindano. Kwa hiyo, unapaswa kuwa na hekima kama nyoka. Tambua kwa urahisi mtu anapokuwa mkaidi sana na mwenye malumbano, mambo ambayo hayana faida. Kumbuka, wewe ni chombo cha matumizi ya Bwana; Roho Mtakatifu atakufundisha nini cha kusema ili kumleta asiyeamini kwa Kristo.

Mahali pako pa kazi na mahali pengine pa mikutaniko ya mara kwa mara, acha mtindo wako wa maisha na tabia ya Kristo ndani yako ithibitisha kwa wengine wanaokuzunguka kuwa wewe ni muungwana. Muungwana haizungumzi tu bila kujidhibiti; Uchaguzi wa maneno, adabu, heshima, namna ya uvaaji na maadili, yote yanajumlisha maisha yako kwa ujumla ambayo yatawavuta watu kwa Kristo ndani yako.

UKIRI WA KINABII

Sasa ni wakati mwafaka wa kuvuna nafsi zaidi kwa ajili ya Kristo. Tabia yangu na mtindo wangu wa maisha utakuwa mfano mzuri wa kumuonyesha Mungu wa Upendo ninayemtumikia. Kamwe sitaridhia mabishano yasiyo na maana popote niendapo, kwa jina la Yesu. Amina!

MASOMO ZAIDI: 2 Timotheo 2:23



Yeremia 29:11

“Maana nayajua mawazo ninayowawazia ninyi, asema BWANA, ni mwazo ya amani wala si ya mabaya, kuwapa ninyi tumaini siku zenu za mwisho.”

Yeremia 29:11 ina nguvu sana kiasi kwamba inafaa kusomwa kila siku ili kujikumbusha kuhusu nia ya Mungu kuhusu wanae. Ndoa nyingi, mahusiano, urafiki, na familia huvunjika kwa sababu inaonekana kuna maisha ya mashaka na kutokuwa na uwazi wa kutosha. Andiko la siku hii linahitaji kusomwa au kuonyeshwa kwa wale ambao hawafikiri kwamba Mkristo anayeamini Biblia, anayenena kwa lugha na aliyejazwa na Roho Mtakatifu anapaswa kufanikiwa! Kwa baadhi ya sababu za kimapokeo zisizoelezeka, watu wengi huko nje wanafikiri kwamba umaskini ni

sawa na utauwa na wanamkosoa Mkristo yeyote aliyе na viashiria vya mafanikio.

Anayezungumza katika andiko hili ni Mungu, ambaye mawazo yake yamesemwa kwa uangalifu ili kubaki bila utata. Mungu alikuwa ametoa ramani yake, mwongozo, mkakati, na muundo wa maisha ya Mkristo, ikijumuisha “kifurushi cha mafanikio”. Mawazo na mipango ya Mungu ina mafanikio kuanzia kwenye kiini chake kabisa. Kitu chochote kinyume na mpango wa Mungu ni mpango wa shetani. Mungu hufurahi unapokuwa Mkristo mwenye mafanikio kama asemavyo katika Zaburi 35:27(NEN), “...Bwana atukuzwe, ambaye amefurahia mafanikio ya mtumishi wake”. Watu wanapoogopa kuzungumzia mafanikio, basi ujue hawajaelewa Mungu anasema nini kuhusu mali na utajiri ndani ya Kristo.

UKIRI WA KINABII

Mimi ni mrithi pamoja na Kristo, nimeitwa kwenye ukuu, na maisha yangu yatadhihirisha Utukufu wa Mungu anayekaa ndani yangu. Hakuna kitakachonizuia kuwa mkristo aliyefanikiwa kwa jina la Yesu. Haleluya!

MASOMO ZAIDI: Zaburi 71:21

**Ufunuo 20:6**

“.....Heri, na mtakatifu ni yeye aliye na sehemu katika ufufuo wa kwanza; juu ya hao mauti ya pili haina nguvu; bali watakuwa makuhani wa Mungu na wa Kristo, nao watatawala pamoja naye miaka elfu.”

Angalia hapa katika maandiko unaitwa “Mtakatifu” maana yake ni kwamba tayari umetengwa, umewekwa wakfu kwa ajili ya matumizi ya Bwana; pia, umepewa cheo kama kuhani wa Mungu na wa Kristo. Kisha ikaisha kwa kusema utatawala pamoja naye (Yesu) kwa miaka elfu moja. Elewa kwamba, utawala wako hauwezi kujadiliwa kama wengine wanavyofikiri, lakini unathibitishwa katika Neno la Mungu. Umezaliwa mara ya pili ili kutawala pamoja na Kristo. Muumini mshindi unayeleelewa hili hujaribu kutawala au kushawishi, lakini pia ni mshawishi kwa kizazi chako, sokoni, na mazingira yako.

ayeleelewa hili hujaribu kutawala au kushawishi, lakini pia ni mshawishi kwa kizazi chako, sokoni, na mazingira yako.

Biblia inasema wazi wazi kwamba Kristo ndani yako tumaini la Utukufu. Maisha haya ya utukufu yanapaswa kuanzia sasa na sio tu wakati wa utawala wa milenia pamoja na Kristo. Una mamlaka ya kutawala mazingira na hali zinazojaribu kuzuia maendeleo yako. Wewe ni mfano halisi wa Mungu Baba. Unaposonga, Kristo anasonga; unapozungumza, Kristo anazungumza; unapotenda, Kristo anatenda. Umewezeshwa kufanya mambo makubwa kwa ajili ya Kristo, umepewa uwezo wote; usisite kutumia inapobidi. Umeuwazia utawala wako na kupata hasara kwa muda mrefu; sasa ni wakati wa kutumia uwezo na utawala uliopelewa na Yesu; umeitwa kutawala! Amina.

UKIRI WA KINABII

Mimi si mwathirika wa mazingira na hali za maisha; Ninasimama katika nafasi ya kutawala pamoja na Kristo. Mimi ni kuhani, na nitakuwa na mamlaka sasa na siku zote katika jina la Yesu. Haleluya!

MASOMO ZAIDI: Warumi 8:17



Kumbukumbu la Torati 8:18

"Bali utamkumbuka BWANA, Mungu wako; maana ndiye akupaye nguvu za kupata utajiri; ili alifanye imara agano lake alilowapa baba zako, kama hivi leo."

Ustawi katika mwili wa Kristo mara nyingi hupuuuzwa, kukataliwa, au hata kudharauliwa. Muumini anapopata utajiri, mtu huyo anakuwa kitu cha kutukanwa. Wahubiri wanalengwa wanapolivunja duara la uhaba na uhitaji na kuanza kuishi kwenye wingi na utele. Haya yote yanatokana na mafundisho na tamaduni potofu ambazo zimerithishwa katika mwili wa Kristo. Mafundisho haya mabaya yanajenga dhana potofu kwamba kadiri Mkristo anavyozidi kuwa maskini ndivyo anavyokuwa mcha Mungu zaidi. Kumbuka,

Biblia inasisitiza sana; maandiko yanatuambia kuwa Mungu hapendi umaskini! Chukua, kwa papo hapo, Mithali 6:10-11 "Bado kulala kidogo, kusinzia kidogo, Bado kukunja mikono upate usingizi; Hivyo umaskini wako huja kama mnyang'anyi, na uhitaji wako kama mtu mwenye silaha".

Umaskini ni wa shetani ambaye anakuja kukunyang'anya amani, furaha, afya, na maisha yako haswa, wakati ustawi unakuja kuanzisha furaha yako, amani, afya na ukamilifu wa maisha. Unapojaliwa usitawi, inakuwa rahisi sana kwako kuunga mkono uenezaji wa injili hii ulimwenguni kote. Haleluya!

UKIRI WA KINABII

Mimi ni mtoto wa Mungu mwenye utajiri na mali kama miliki yangu; Sina mkataba na umaskini. Mimi ni tajiri katika kila hali, kama vile Baba yangu alivyo tena ambaye ana ng'ombe juu ya milima elfu. Amina.

MASOMO ZAIDI

Hosea 2:8

**Zaburi 16:11**

"Utanjulisha njia ya uzima, Mbele za uso wako ziko furaha tele, Na katika mkono wako wa kuume Mna mema ya milele."

Watu wengi, haswa baadhi ya Wakristo fulani, wamechanganya tofauti kati ya furaha na shangwe. Hali au mazingira haziamuru furaha. Furaha haitegemei mihemko na hisia zako; hutiririka kutoka ndani na hupatikana kupitia mahusiano ya ndani na Bwana Yesu. Takwimu zinaonyesha kuwa watu wengi matajiri zaidi duniani, ambao ulimwengu ulikuwa umewaweka kwenye kilele cha mafanikio, hujua ghafla. Moja ya sababu za janga hili ni ukosefu wa furaha.

Wamepata furaha kutokana na mambo waliyotimiza kulingana na viwango vya ulimwengu, kama vile mazingira, usununu, hali, na mahusiano yanayofaa. Hii inamaanisha kuwa furaha yao inatoweka pale kitu kimojawapo kinapokosekana. Kwa hivyo, kufadhaika kunaingia kujaza pen-go, na hatimaye, maisha yanakuwa hayana maana kwa mtu ambaye maisha yake yamekitwa kwenye furaha hiyo.

Kama vile andiko linavyoonyesha, furaha ya kweli, katika utimilifu wake, inapatikana unapozama ndani ya Yesu na kubatizwa katika upendo wake. Unaweza tu kupata hali hii ndani ya Yesu. Kwa kuingiza Neno lake ndani yako na kuongozwa na Roho Mtakatifu, kuna amani ya ndani isiyoweza kubadilishwa ambayo inaleta tu utajiri wa milele na wa kudumu juu. Hebu hiki kiwe kipaumbele chako sasa katika jina la Yesu, amina!

UKIRI WA KINABII

Moyo wangu umejaa furaha, na nina amani kila wakati. Nitaangazia mazingira yangu kila wakati kwa mng'ao na fahari ya maisha ya furaha, daima na wakati wowote, katika jina la Yesu. Amina!

MASOMO ZAIDI: Mathayo 7:14

**Wagalatia 6:9**

“Tena tusichoke katika kutenda mema; maana tutavuna kwa wakati wake, tusipozimia roho.”

Wakristo wengi wamekuwa wataalamu wa kunung'unika na kulalamika juu ya kila kitu na kukata tamaa haraka juu ya ndoto zao, miradi, na biashara zao, na hatimaye, uhusiano wao na Mungu unaanza kupungua. Jambo moja unalopaswa kujua kuhusu adui yetu mkuu; jina halisi la shetani ni Lusifa. Kumbuka kwamba jina “ibilisi” ni cheo cha kazi yake, maana yake ni mtu anayepigilia mpaka atoboe. Ikiwa adui yako anatumia mbinu hii ya kuendelea hadi atakapokata, je, si zaidi sana kwa wewe uliye na Roho yule yule aliyemfufua Yesu kutoka kwa wafu, Kwa nini ufikiri kwamba huwezi kufanikisha

mradi au biashara hiyo? Ndoto yako itakuwa na maana tofauti ikiwa utaingia ndani zaidi katika ufahamu kwamba Muumba ulimwengu anaishi ndani yako.

Mungu kamwe hakukatii tamaa, kwa hivyo huwezi kamwe kumkatia tamaa. Leo, anza kujiona mshindi katika kile unachofanya. Wewe si mkata tamaa, bali mshindi, si mtu dhaifu, bali ni shujaa jasiri! Maandiko ya leo yanakwambia kwa wakati wake tutavuna tusipokata tamaa. Jizoeze kuwa na ukamavu, ustahimilivu, na king'ang'anizi, na ushindi wako hautakataliwa kamwe! Amina.

UKIRI WA KINABII

Ninaishi mbali zaidi ya mahali ambapo adui anaweza kufikia; Nina Roho wa Mungu ndani yangu. Maisha yangu hayatafupishwa, na ninaishi maisha ya ushindi kila siku kwa jina la Yesu. Haleluia!

MASOMO ZAIDI

Yakobo 4:7



Luka 8:22

"Ikawa siku zile mojawapo alipanda chomboni yeye na wanafunzi wake, akawaambia na tuvuke mpaka ng'ambo ya ziwa. Wakatweka matanga."

Wanafunzi waliingiwa na hofu walipo-kabiliwa na hatari ya pepo na dhoruba. Neno "kabiliwa" linamaanisha "kinyume cha". Kulikuwa na hatima iliyowekwa mbele yao: "upande wa pili", kama walivyoagizwa na Yesu, lakini wanafunzi walitupwa katika machafuko ingawa Yesu alikuwa ndani ya mashua pamoja nao. Yesu kuwa ndani ya mashua yako hakuhakikishii kwamba mashua yako haitakumbana na upepo wa dhoruba. Unaweza kuwa mwabudu mshupavu, unayeishi biblia kulingana na idadi ya maandiko unay-

onukuu, au labda mtoaji sana kwenye huduma na kazi ya Mungu. Hata hivyo, sifa hizi zote haziwezi kuzuia upepo na dhoruba zinazoendelea. Ni kweli pia kwa huduma tano, na hata katika ngazi hii ya huduma, pepo za mbisho bado zinaweza kuvuma sana.

Cha muhimu ni kwamba Yesu yuko kwenye mashua yako! Yesu anapokuwa ndani ya mashua yako, mambo mengine yote yanakuwa madogo. Yesu, ambaye alitangaza kwa ujasiri, "tuvuke ng'ambo", alikuwa ameona upepo wa mbisho na dhoruba mbele; Neno lake ni la milele, na linapaswa kukuelekeza kwenye hatima yako ya mwisho bila kujali hali yoyote! Haleluya!

UKIRI WA KINABII

Nikiwa na Kristo ndani yangu, nina kile kinachohitajika ili kupanda juu ya dhoruba za maisha. Maisha yangu kamwe hayawezi kwenda katika miduara; mambo yote hufanya kazi kwa faida yangu, na hatima yangu ni hakika kwa jina la Yesu. Amina!

MASOMO ZAIDI

Mathayo 8:23-24

**Mambo ya Walawi 6:13**

“Moto utatunzwa uwake juu ya madhabahu daima; usizimike.”

Linapokuja suala la matoleo na zaka, mahali vinapofanyika ni ule mwinuko wa juu katika baadhi ya makani unaoitwa “MADHABAHU”. Wakati wa nyakati za bibilia, andiko hili lilikuwa amri ya kuweka moto kila wakati kwenye madhabahu. Utoaji wako ni kama sadaka juu ya madhabahu. Utoaji wako wa pesa unawakilisha bidii yako, muda, nguvu, jasho, n.k, kwa ufupi maisha. Unapomimina sadaka yako, zaka, au mbegu kwenye madhabahu, unamheshimu Mungu kwa mali na maisha yako. Kwa muujibu wa maandiko, madhabahu ni mahali pa kukutana na Mungu na, kwa hiyo, hapawezi kuchukuliwa kirahisi.

Hatuwezi kamwe kupunguza umuhimu wa madhabahu kwani inaonyesha kwa uthabiti mahali pa muunganiko kati ya Mungu na mwanadamu. Kumimina mali yako juu ya madhabahu kunaashiria moyo wako mbele za Mungu. Mungu anavutiwa na moyo wako na hata anatumonya tulinde mioyo yetu kuliko yote tulindayo maana ndiko zinakotoka chemichemi za uzima. Katika madhabahu, kuna malipo ya kiroho yaliyofanywa. Pale maisha kuhusu afya yako, watoto, kazi, au fedha yako yanapoonekana kudorora, nenda kwenye madhabahu hiyo, uumimine moyo wako hapo. Itakusemea bila kushindwa. Majibu ya maombi yako yatafika haraka, maana madhabahu hunena, Haleluya!

UKIRI WA KINABII

Maisha yangu yamewekwa ili kutafsiri mafumbo kupitia madhabahu. Nitatiisha mashambulizi ya adui kupitia madhabahu yangu. Kila kitu kinachoenda kinyume na matakwa ya moyo wangu kitabomoka ninapoumimina moyo wangu madhabahuni. Haleluya!

MASOMO ZAIDI

Mambo ya Walawi 1:7

Beverly Angel

C O R E 1 0 0
B e B e A n g e l

CORE 100 IS AN EXCLUSIVE MEMBERSHIP PROGRAM BY PROPHETESS BEBE ANGEL FOR LADIES FROM ALL WALKS OF LIFE WHO HAVE ONE THING IN COMMON – A DESIRE TO GROW IN THEIR KNOWLEDGE OF JESUS!

TO JOIN CORE 100 VISIT

WWW.BEVERLYANGEL.ORG



Yohana 2:7 (BHN)

“Yesu akawaambia, Ijazeni mitungi hiyo maji. Nao wakaijaza mpaka juu.”

Angalia mitungi ya maji ilijazwa hadi juu, sio nusu, sio nusu-kipimo, sio robo iliyojaa; hapana, watumishi walihakikisha kwamba vyombo vya maji vimejazwa kwa kiwango cha juu hadi kufurika. Tumeingia katika awamu ya maisha ya kina zaidi, kumaanisha kwamba tumeingia kwenye eneo ambalo mtungi uliojaa nusu umekwisha, msimu wa juhudi zisizo kamili umekwisha, na msimu wa kufanya kidogo badala ya zaidi umekwisha. Tumeingia katika awamu ambapo matokeo na juhudi zako lazima ziwe za juu! Hakuna tena uwanja mwingine mbele. Acha huduma yako iwe bila dosari, rekodi izungumze ubora, na uwakili wako na

uongozi uashirie ubora wa kiwango cha juu.

Katika awamu ya maisha ya kina zaidi, umakini na Mungu na mambo ya Mungu huwa muhimu sana, na hakuna nafasi tena ya ukawaida na Ukristo vuguvugu. Hupaswi kuwa mtazamaji katika awamu hii ya maisha ya kina zaidi bali mshiriki kamili. Maisha ya kina zaidi yatashuhudia udhahirisho wa wana na binti wa kweli wa faraja, ambao mioyo na akili zao huweka kipaumbele cha pekee kwenye mambo ya Mungu. Hiki ndicho kipindi ambacho wivu wa Bwana utakula kutoka juu hadi chini, na cha muhimu ni Yesu pekee. Haleluya!

UKIRI WA KINABII

Mimi ni mshiriki katika mambo ya Mungu, na si mtazamaji. Ni-mezauliwa kwa wakati kama huu ili kuonyesha utukufu wa Mungu bila mawaa. Ninaichukua kwa nguvu, nimezauliwa kushinda kwenye mwendo yangu. Haleluya!

MASOMO ZAIDI

Marko 7:3



Mungu.

Wakolosai 1:26

“Siri ile iliyofichwa tangu zamani zote na tangu vizazi vyote, bali sasa imefunuliwa kwa watakatifu wake;”

Hizi ni nyakati za kusimua tunazoishi na nyakati za thamani kila siku tunapumua oksijeni ya bure. Siri ni jambo gumu sana au lisilowezekana kuelewa au kuelezea. Kitu kilichogubikwa na usiri au ajabu. Fumbo. Ninaweza kukuipa ufafanuzi zaidi na zaidi kutoka kwa kamusi ya Kiingereza au konkodensi, lakini bado itakuwa ngumu kwa mtu yeyote kuelewa kwa urahisi. Ukweli kwamba Mungu, kwa hekima yake, aliamua kwamba Yeye peke yake ndiye angekuwa mlinzi wa siri hii na si malaika, malaika wakuu, au wazee ishirini na wanne wanaoweza kupata dokezo la fumbo hili linaloonyesha Ukuu wa

Siri hii kutoka katika maandiko ya leo imekuwa ikilindwa kwa uangalifu ili kuepuka uvujaji wowote kutoka kizazi hadi kizazi hadi, kama Biblia inavyosema kikawaida, “ukamilifu wa wakati” Wakati ni sasa wa kufanya kile kinachohitajika, ama Mbinguni, hapa Duniani, au chini ya Dunia. Mungu aliamua kwa hekima yake isiyo na kikomo wakati wa kulifunua fumbo hili lililofichwa tangu nyakati zilizopita. Pamoja na ubunifu wote na ongezeko la maarifa, kizazi hiki kilijulikana kwa Mungu kabla ya kuwepo kwake. Mungu peke yake ndiye anayeweza kusema kwa nini aliamua kwamba siri hii ifunuliwe kwetu na ndani yetu “...ambayo ni Kristo ndani yenu, tumaini la Utukufu” (Wakolosai 1:27). Haleluya!

UKIRI WA KINABII

Mimi ni ufunuo wa Utukufu wa Mungu. Ninabeba utimilifu wa Uungu. Ninalindwa pande zote. Siwezi kukataliwa ninachotamani, na maisha yangu yataendelea kuonyesha Utukufu wa Mungu. Haleluya!

MASOMO ZAIDI

2 Timotheo 1:10

**Yohana 6:63**

"Roho ndiyo itiyayo uzima, mwili haufai kitu; Maneno hayo niliyowaambia ni roho, tena ni uzima."

Iwe katika huduma ya mubashara, nje ya Kanisa, ndani ya ndege, meli, gari, kwenye mlima wa maombi (Jiji la Habari Njema), au katika ofisi ya ubalozi, mazingira haya huwa yamejaa kwa Mungu kunena. Kwa hiyo si kuhusu mahali bali ni kuhusu Mungu anayesema. Siku zote huwa nawaambia watu kwamba sihubiri kwa mwaliko bali kwa amri. Ninasema niliyoamriwa niseme, na huo ndio ukweli. Nikienda ndani zaidi katika hili, nikizungumza kwa amri, hotuba yangu inaweza kubadilishwa katika matokeo yanayoonekana. Kuna uzito wa kimbingu nyuma ya maneno ninayosema.

Ninaweka umuhimu kwa maneno yangu, kwa maana si maneno tu bali ni vitu vya thamani vinavyoweza kukimbia, kutenda, kutekeleza na kuleta hai yale yaliyosemwa. Ninapotangaza, "Mafanikio yatajibu mlangoni pako," mara ninapotamka maneno haya, kuna upelekaji wa mawimbi katika anga ili kuvuta au kuvutia ustawi kuelekea kwako. Unapoelewa thamani ya maneno yako unayozungumza, utachagua maneno yako kwa uangalifu kabla ya kuyatamka. Roho yule yule aliyemfufua Yesu kutoka kwa wafu anaishi ndani yako. Maneno utakayozungumza yata-toka na kuchukua umbile la kile unachotamani. Unapotamani ustawi, afya njema, amani, na utajiri wa kifedha, unachohitaji kufanya ni kuyatamka. Haleluya!

UKIRI WA KINABII

Maneno yangu yana nguvu. Siku zote nitasema uzima na sio uharibifu, kuongezeka na sio kupungua, kuinuliwa na sio kushushwa, utele na sio uhaba, furaha na sio huzuni. Mimi ni mbeba Habari Njema Haleluya!

MASOMO ZAIDI

2 Wakorintho 3:6

**Mwanzo 1:27**

“Mungu akaumba mtu kwa mfano wake, kwa mfano wa Mungu alimwumba, mwanamume na mwanamke aliwaumba.”

Hadithi ya Uumbaji inatupa utambuzi wa kazi za Mungu kwa siku sita mchana na usiku, na kisha siku ya saba, Mungu alipumzika; mpaka sasa, Mungu anastarehe, ameketi katika kiti chake cha enzi. Mungu aliumba kila mnyama asilia katika Uumbaji na kuwaagiza wazaliane kwa jinsi zao. Katika andiko letu la leo, lilipokuja suala la Uumbaji wa mwanadamu, Mungu alisimamisha uumbaji, ambao ulikuwa wa asili, akashusha pumzi ndefu, na kuanzisha neno kuu “SURA.” Katika mstari unaoangulia wa Sura hiyo hiyo ya 1 ya Mwanzo, neno “MFANO” lilitamkwa na Mungu wakati mwanadamu alipaswa

kuumbwa. Kwa hivyo, mwanadamu sio kiumbe asili kama wanyama, na tunabeba sura na mfano wa Mungu, na hivyo ni vinasaba vya Mungu.

Mungu akizungumza juu ya mwanadamu, anatangaza kwa ujasiri, “Mimi nimesema, Ndinyi miungu, na wana wa Aliye juu, nyote pia” (Zaburi 82:6). Ikiwa Mungu anakukubali, kwa nini uruhusu kuhujumiwa na wengine wanaosema kwamba hakuna kitu kizuri kitakachotoka kwako? Ikiwa Mungu hajawahi kuugua, basi kwa nini sasa unausema ugonjwa huo kwamba ni wako? Baadhi ya Wakristo wanafikia hatua ya kusema “kipandauso changu”, “kisukari changu”, “shinikizo la damu”, n.k. Ni lini ulisikia Mungu akidai ugonjwa ni wake? Hapana kamwe. Mtoto wa Mungu aliye na DNA ya aliye juu atajikung'uta ubaya wowote kwa sababu umeumbwa kwa sura na mfano wa Mungu.

UKIRI WA KINABII

Vinasaba vya Mungu vinatiririka katika damu na mishipa yangu; Sina makubaliano na adui. Siwezi kuwa kuumwa; magonjwa hayatakaribia makao yangu. Sehemu yangu ni kutawala na ukuu katika jina kuu la Yesu. Amina!

MASOMO ZAIDI: Mathayo 19:14



Luka 5:16

“Lakini yeye alikuwa akijiepua, a-kaenda mahali pasipokuwa na watu, akaomba.”

“Yeye” anayetajwa katika maandiko yetu leo ni Yesu. Je, unaweza kufikiria Bwana Yesu akitenda miujiza mingi na kufingwa sana na huduma? Anasema, “... imenipasa kuwamo katika nyumba ya Baba yangu” (Luka 2:49). Kinachogusa hapa ni ukweli kwamba licha ya uhitaji mkubwa aliyowekewa Yesu kwani alikuwa anatafutwa na kila mtu, bado alipata muda wa “KUOMBA.” Kila mara Yesu alipokwenda huko na huko akifanya miujiza, ishara na maajabu, uweza (nguvu) zilimtoka. Kadiri idadi ya miujiza inavyoongezeka, ndivyo nguvu zilivyomtoka. Kama mahitaji ya huduma leo, kadiri upanuzi na ukuaji wa huduma unavyoongezeka, ndivyo mtu anachoka

zaidi.

Yesu alitufundisha somo muhimu sana: Hakushindwa na shinikizo na mahitaji ya huduma kwa kupuza maisha yake ya maombi. Yesu alijua kuku-sanya nguvu na kuingia katika uweza wa kwenye kiwango kingine, na maombi ndiyo yalikuwa ufunguo. Hii inaonyesha kwamba bila kujali ofisi yako, iwe nabii, mwinjilisti, mwalimu, mchungaji, au mtume, huwezi kufanya kazi kwa uwezo kamili bila kujipakia tena katika maombi.

Miujiza, ishara, na maajabu huwa ni mambo ya kawaida unapotoka katika sehemu hiyo ya maombi. Kupitia maombi, kiwango kingine kitafunguliwa kwako, na nguvu kutoka juu itakumeza. Ili kuwa mbadilisha umbo, unahitaji kujipakia tena kupitia maombi. Katika hatua hii, kuumwa, magonjwa, na ngome zitatoweka kama makapi mbele yako. Amin!

UKIRI WA KINABII

Mimi ni ghala ya nguvu iliyojaa nguvu kutoka juu. Mazingira yangu yamepewa uwezo wa kuponya wagonjwa na kuvunja minyororo ya ukandamizaji. Ninapotokea, mapepo hayana chaguo ila kukimbia kwa jina la Yesu. Haleluya!

MASOMO ZAIDI: Mathayo 14:23



2 Wafalme 6:17

“Elisha akaomba, akasema, Ee BWA-NA, nakusihi, mfumbue macho yake, apate kuona. BWANA akamfumbua macho yule mtumishi, naye akaona, na tazama, kile kilima kilikuwa kimejaa farasi na magari ya moto yaliyomzunguka Elisha pande zote.”

Kwa nini mtumishi wa Elisha hakuweza kuona kile ambacho Elisha aliona? Macho ya yule kijana katika hali ya nje hayakuwa kipofu, hata hivyo hakuweza kuona kile ambacho bwana wake aliona. Somo hili linahitaji umakini mkubwa na linapaswa kufundishwa kwa muda wa kutosha. Eneo lililomzunguka Nabii lilikuwa limezungushiwa kwa farasi na magari ya moto, lakini hakuna mtu karibu na Elisha aliyeweza kuona katika ulimwengu huu isipokuwa

yeye peke yake. Elewa kwamba kwa sababu hauoni haimaanishi kuwa hakipo. Unabii unakuwezesha kuona zaidi ya kile ambacho wengine hawawezi kuona. Unaona mbali na zaidi ya mtazamo wa kawaida wa uhalisia.

Ni ulimwengu wa roho unaoamua matukio ya mwilini. “Kwa imani twafahamu ya kuwa ulimwengu uliumbwa kwa Neno la Mungu, hata vitu vinavyoonekana havikufanywa kwa vitu vilivyo dhahiri” (Waebrania 11:3). Elewa kwamba Unabii huona zaidi ya kawaida. Na ninapoamuru na kutangaza kufanikiwa kwako, unapopokea bila mashaka, na mafanikio yatakuwa yako kwa jina la Yesu. Mimi nasema nionayo sio kubahatisha bahatisha .Haleluya!

UKIRI WA KINABII

Sitatilia shaka Neno la Mungu kama lilivyonenwa na Nabii, kwani najua kwamba Mungu daima huthibitisha neno la mtumishi wake. Mimi ni mshiriki wa wingi wa neema juu ya maisha ya nabii wangu. Kwa hiyo sitahangaika kamwe kwa jina la Yesu. Amina!

MASOMO ZAIDI: Hesabu 22:31



BECOME A **GoodNews** PARTNER TODAY BY VISITING
DAILY
WWW.GOODNEWSWORLD.COM/GNDPARTNER

GoodNews

DAILY

EVANGELISM



**Matendo 19:15**

“Yule pepo mchafu akawajibu, akawaambia, Yesu namjua, na Paulo namfahamu, lakini ninyi ni nani?”

Wana wa Skewa (kiongozi wa kidini) walifikiri wangependa kufanya kile ambacho Mtume Paulo alikuwa akifanya. Wakristo wengi wanadhani ni rahisi sana kufanya kile mtu wao wa Mungu anafanya, ambayo ni sababu mojawapo inayowafanya wasambaratike na kuunda makanisa yao bila hata utaratibu mzuri. Bila shaka, wengine hustaajabia vyeo hivyo na wangependa kuitwa vyeo hivyo, lakini ukweli ni kwamba, je, umejitayarisha vya kutosha na kuthibitishwa vya kutosha katika Neno la Mungu ili ujiendee peke yako? Ni lazima tuelewe kwamba kuna majemadari na makamanda wa himaya

katika ulimwengu wa roho wanaoogopwa na mapepo.

Unahitaji kuwa na tabia ya Yesu ili kukabiliana na mateso na matatizo yanayosababishwa na pepo wachafu. Unahitaji kuwa timamu kiroho na kuelewa jinsi ya kuenenda katika ulimwengu wa roho kabla ya kujaribu vita vya kiroho; la sivyo, ni hatari kwako. Wana wa Skewa wanathibitisha hili. Watu wengi hufikiri kwamba hata unabii ni rahisi, na kila mtu anataka kujiita nabii. Lakini naomba nifafanue kwamba huu si mchezo wa kitoto. Ili kutawala kila shambulio la adui, unahitaji kuwa na msingi katika Neno la Mungu na kuvaa tabia ya Kristo. Haleluya!

UKIRI WA KINABII

Mamlaka yangu ni katika Kristo, na nimewezeshwa kutawala na kuwa nuru kwa ulimwengu wa giza. Ninabeba hali ya hewa na kumiliki tabia ya Yesu, na mapepo yanakimbia mbele yangu. Haleluya!

MASOMO ZAIDI

Luka 1:65



1 Wakorintho 15:58

"Basi, ndugu zangu wapendwa, mwimarike, msitikisike, mkazidi sana kutenda kazi ya Bwana sikuzote, kwa kuwa mwajua ya kwamba taabu yenu siyo bure katika Bwana."

Paulo aliliandikia Kanisa la Korintho kwamba lisiyembe katika imani na linapaswa kuwa na mizizi na msingi katika mafundisho yake (Paulo). Ona kwamba Paulo pia aliwatia moyo kwamba chochote wanachomfanyia Bwana si kamwe bure. Mara nyingi, baadhi ya waamini hufikia hatua ambapo wanaanza kutilia shaka uwepo wa Mungu kwa sababu ya msiba kutokea kwa mwanafamilia, mizigo ya kifedha isiyo-bebeka, au ugonjwa kutoka kwa adui kumharibu mtu wa karibu sana. Katika hali hizi zisizovumilika, swali linazuka

akilini mwao, Mungu yuko wapi?

Umewahi kujiuliza swali hili hapo awali? Je, umefika mahali unafikiri Mungu amekutelekeza? Kumbuka kwamba tunapaswa tuwe wa kutoyumbishwa katika uelewa wetu wa Neno la Mungu: chanzo kikuu cha uzima. Mungu hakukufikisha hapa ili kukutelekeza au kukuacha. Yote unayofanya kwa ajili ya huduma sio bure kamwe. Andiko hili linapaswa kuinua imani yako hadi kiwango kingine! Biblia inasema katika (1 Wakorintho 10:13)" Jaribu halikuwapata nyini, isipokuwa lililo kawaida ya wanadamu; ila Mungu ni mwaminifu, ambaye hatawaacha mjaribiwe kupita mwezavyo, lakini pamoja na lile jaribu atafanya na mlango wa kutokea, ili mweze kustahimili" . Amin!

UKIRI WA KINABII

Kamwe sitaondoshwa au kutupwa na kila neno baya kutoka kwa adui. Sasa nimekita mizizi katika Mungu na Neno lake, na hii ndiyo nanga yangu. Ninajua kwamba nikiwa na Mungu, mimi ni mshindi. Haleluya!

MASOMO ZAIDI

2 Petro 3:14

**Matendo 18:10**

“Kwa kuwa mimi ni pamoja nawe, wala hapana mtu atakayekushambulia ili kukudhuru; kwa maana mimi nina watu wengi katika mji huu.”

Mungu aliponiita wakati huo chini ya mtofaa, ingawa nilikuwa bado mdogo sana na sikelewa mengi, agizo lilikuwa wazi sana, “Wewe ni Nabii wa mataifa.” Wito wa Mungu daima unahusishwa na eneo la kijiografia, na badaye nilitambua kutokana na mtembeleo wangu wa ki Mungu mara nyingi kwamba huduma yetu ni ya kimataifa. Kamwe usichukulie tawi lako kama kiwakilishi pekee cha kile unachoweza kukidhi kwa ajili ya Kristo. Ingawa tawi lako ni la ndani, lazima uelewe kwamba tuna mamlaka ya kimataifa. Jione mwenyewe ukitangaza utume huu wa

ajabu kwa mabilioni duniani kote.

Teka miji, majiji, mataifa na mabara. Nguo nyeupe tayari zimetayarishwa kwa ajili ya roho za kuvunwa, na mavuno yako tayari, kwa hivyo kazi iliyo mbele yetu ni kubwa. Kuna maeneo na mabara yanayohitaji utume huu wa ajabu ambao Mungu alitupa, na hatuwezi kuthubutu kustarehe. Unapotambua utume huu wa ajabu kuwa ni harakati, utanza kuingia ndani zaidi katika kila sehemu ya huduma ili kuisukuma juu zaidi. Sasa ni wakati wa kuteka mataifa na mabara. Umeitwa kwa wakati kama huu ili kutimiza jukumu hili la kimataifa pamoja nami.

UKIRI WA KINABII

Maisha yangu yanavutia Habari Njema na kueneza makusudi ya Mungu ulimwenguni kote. Mimi ni wa kimataifa sana kuwa wa ndani, na maisha yangu yataangazia nuru ya Mungu kwa mataifa ulimwenguni kote. Haleluya!

MASOMO ZAIDI

Yeremia 1:18-19

**Zaburi 104:4**

“Huwafanya malaika zake kuwa pepo, na watumishi wake kuwa moto wa mi-ali.”

Huenda umenisikia nikisema mara kwa mara kwamba moto ni jibu la mwisho kwa mashambulizi ya adui. Muundo wa kivinasaba vya shetani ni moto. Moto hauna huruma. Moto huchoma, moto huunguza, moto unateketeza, moto unasafiri, na moto haubagui. Neno la Mungu linatuambia, “Maana Mungu wetu ni moto ulao” (Waebrania 12:29). Sifa hii ya Mungu kama moto ulao pia ni sehemu ya vinasaba vyako pale Roho Mtakatifu anapoishi ndani yako. Matatizo na mambo yanatesa maisha yako kana kwamba wewe si mtoto wa Mungu, Kwa nini? Sababu ni rahisi. Unashindwa kuvionyesha utambulisho

wako. Sehemu hiyo ya moto uliyoumbwa kwayo imwekwa kwa mahitaji ya kuonyesha na kupigana na moto kwa moto. Mtu yeyote anaweza kumtambua Mkristo mwenye moto kwa ajili ya Yesu kutoka mbali. Unaangazia nuru inayong'aa zaidi na kufanya mapepo kukimbia.

Chochote kinachokusumbua; familia yako, biashara yako, elimu yako, kazi yako, watoto wako, ndoa yako, jibu ni moto! Sasa ni vigumu kuwa tamasha la umma la hila za adui. Je, hamjui kwamba umeketi pamoja na Kristo juu sana kuliko mamlaka na enzi? Umekuwa kimya sana kwa muda mrefu sana na unakabiliwa na maumivu ya kichwa yasiyo ya lazima na kuchanganyikiwa. Inuka, moto ulio ndani yako uanze kuwaka, na ushindi wako hautakataliwa kamwe kwa jina kuu la Yesu. Amina!

UKIRI WA KINABII

Mimi ni gimba la moto; maisha yangu yamejaa nguvu. Siwezi kamwe kuvumilia ukawaida na kushindwa. Jeshi la Mbinguni lina-songa ninaposonga, na ushindi wangu utakuwa wa kishindo kikubwa. Mimi ni mshindi, na adui hawezi kufanya lolote kuhusu hilo. Haleluya!

MASOMO ZAIDI: Kutoka 24:17

**Isaya 41:10**

“Usiogope, kwa maana mimi ni pamoja nawe, usifadhaike, kwa maana mimi ni Mungu wako. Nitakutia nguvu, naam, nitakusaidia, naam, nitakushika kwa mkono wa kuume wa haki yangu.”

Ni wangapi kati yenu wanaosoma kifungu hiki wanasema kwa dhati, “Nipo sawa, sina hofu”? Ikiwa Mungu anaweza kusema usiogope, basi inamaanisha kuna mwenendo wa kibinadamu wa kuogopa wakati wowote unapokabiliwa na hali. Ni kutotabirika kwa matokeo kunakoweza kusababisha hofu ndani yako. Unaposoma andiko, unaona kwamba Mungu anaendelea kusisitiza kwamba yuko pale pale ulipo. Je, umepokea noti ya kufukuzwa? Je, ripoti ya matibabu inakunyima usingizi?

Je, mkopo wa nyumba haijalipwa kwa muda? Je, umepokea barua ya kufukuzwa? Hakuna kitu cha kusherehekea katika haya yote, lakini Mungu anasema, “Nitakutia nguvu!”

Bila shaka, hali nyingine maishani zinahitaji msaada, kwa hiyo Mungu anaposema, “nitakusaidia,” ni kama kupiga nambari ya dharura 911 au 999 katika nchi nyingine. Anajua kesi yako ni ya dharura, kwa hivyo tambua kuwa msaada unakuja. Wakati mwingine, kama meli inayozaama, biashara yako inakaribia kufilisika, ndoa yako inakaribia kuvunjika na fedha zako zikatoweka. Lakini Mungu anasema, “Nitakutegemeza”. Amini tu kile Mungu anachosema, na utashuhudia muujiza katika maisha yako. Haleluya!

UKIRI WA KINABII

Leo, ninadai haki yangu ya kuzaliwa kama mtoto wa Mungu, na sifaogopa. Ninajua mimi ni nani katika Kristo. Mimi niko juu tu na sio chini. Maisha yangu yanasonga mbele kwa kasi ya mwanga, na ninajua mimi ni mshindi kwa jina la Yesu. Amina!

MASOMO ZAIDI

Kumbukumbu la Torati 31:6

**Wakolosai 1:17**

“Naye amekuwako kabla ya vitu vyote, na vitu vyote hushikana katika yeye.”

Ulimwengu kama tunavyoujua, Dunia, nyota, mwezi, jua, mifumo ya sayari, makundi ya nyota, na yote ambayo wanadamu wanaweza kuelewa hushikiliwa kwa Neno la Mungu. Mungu alipoiumba dunia, alihamuru ikae angani. Dunia ilitii kusalia katika eneo hili la anga hadi leo. Inabaki pale ilipo kwa sababu ya Neno lililonenwa la Mungu.

Dutu inayotumika kama kiambatanisho cha kushikilia vyakula vilivyochakatwa pamoja na kuvipa umbo huitwa “gluteni,” ambayo ni kama gundi inayovishikilia vitu pamoja kama kizio kimoja. Je, sasa unaweza kuona umuhimu wa

Neno la Mungu? Bila Neno la Mungu kama gundi inayoshikilia ulimwengu pamoja, ulimwengu wote utasambaratika. Neno hili hili la Mungu, kulingana na (Yohana 1:1), Hapo mwanzo lilikuwa kwa Mungu, na Neno hilo ni Mungu! Katika sura hiyo hiyo ya (Yohana 1:14, “... naye Neno alifanyika mwili, akakaa kwetu; nasi tukauona utukufu wake, utukufu kama wa Mwana pekee atokaye kwa Baba; amejaa neema na kweli”, huyo ndiye Yesu! Haleluya! Ndugu zangu, huyu Yesu tunayemwabudu ni Neno la Mungu linaloushikilia ulimwengu pamoja. Bwana asifiwe. Haleluya!

UKIRI WA KINABII

Nimejazwa na Roho wa Mungu, na Neno linafanya kazi ndani yangu. Siwezi kushindwa, na njia yangu imeangazwa. Maisha yangu yanakuwa bora kwa jina la Yesu. Amina!

MASOMO ZAIDI

Waebrania 1:3



Mithali 22:4 (NEN)

“Unyenyekevu na kumcha BWANA huleta utajiri, heshima na uzima.”

Unapimaje mafanikio haswa? Ni nini maana ya mtu aliyefanikiwa kwa mtazamo wa kibiblia? Katika maandiko ya leo, unyenyekevu ni kitu cha kwanza ambacho Mungu anakihitaji ili kufungua mlango wa mafanikio. Ni lazima utafute kwa bidii ili kuona mwanamume au mwanamke mnyenyekevu katika siku na zama zetu hizi. Kiburi kimeteketeza karibu kila mtu. Kwa mfano, mtu mwenye kipaji sana anayeimba atasita kujiunga na kwaya ya kanisa, akisingizia kwamba ana aibu. Hadi leo, huwa nasema si kuwa na aibu bali ni kiburi. Kama tunavyojua kutoka katika maandiko, Mungu huwapinga wenye kiburi bali huwapa nee-

ma wanyenyekevu (Yakobo 4:6).

Mambo mawili yametajwa hapa kutoka katika maandiko ya leo: “unyenyekevu” na “kumcha Bwana,” ambayo hutumika kama mifereji ya utajiri, heshima, na maisha. Katika tabia yako, ikiwa Mungu anaweza kupata viungo hivi viwili muhimu inavyohitajika, basi jaribio la karatasi ya litmasi limefaulu, na unastahili kupokea utajiri, heshima, na uzima. Watu wengi hukosa fursa na vyeo kwa sababu tu ya kiburi na kukosa kumcha Bwana. Unapojifikiria sana kuliko inavyopaswa, huko ni kujikweza. Umefika wakati wa kuweka mbali kiburi na kujizoeza unyenyekevu, na utaona mkono wa Mungu ukitembea maishani mwako kuliko hapo awali. Amin!

UKIRI WA KINABII

Maisha yangu daima yataonyesha unyenyekevu wa kweli kwa mambo ya Mungu na kwa ndugu zangu. Leo, ninajitoa kwa tabia na maisha ya K Mungu. Ninawaleta wengine kwa Kristo kupitia mtindo wangu wa maisha! Haleluya!

MASOMO ZAIDI

Zaburi 37:5



Luka 9:17

“Wakala, wakashiba wote.....”

Mazingira ya andiko hili yalikuwa pale Yesu alipochukua mikate mitano na samaki wawili na kuwalisha wanaume zaidi ya elfu tano, bila kujumuisha wanawake na watoto. Hii ina nguvu kwa kuzingatia ukweli wa asili wa muujiza huu. Kwa mwanadamu, hii haiwezekani. Haiingii akilini kuhudumia zaidi ya watu elfu tano kwa mlo kutoka kwa mtoto tena asiyejulikana. Kilichonivutia zaidi katika muujiza huu ni jinsi Yesu alivyowaagiza wanafunzi wake kuku-sanya masalio na kuepuka upotevu. Yesu, ambaye alifanya muujiza huo, alikuwa radhi kuhakikisha kwamba rasilimali zilihesabiwa na kupunguza upotevu.

Waumini wengi huhisi kwamba muujiza unapopokelewa, hakuna haja ya kuwa makini. Wakati mwingine inashangaza jinsi waenda kanisani wanavyochukulia mali za kanisa, licha ya kutokuwa hata na fununu jinsi vitu hivi vilivyopatikana. Ikiwa Bwana Yesu anaweza kutumia muda kuhakikisha kwamba masalio yanakusanywa na kuhesabiwa, je, si zaidi kwa mali za kanisa? Ni wakati wa kumwiga Kristo katika nyanja zote za maisha. Unapokuwa makini katika kuweka sawa vitu vya kaya yako, itaongezeka zaidi kwenye mkusanyiko mkubwa katika kuweka sawa vitu vya kanisa. Usifanye kwa uzembe. Ulimwengu huko nje unangoja kwa hamu udhihirisho wa wana wa Mungu. Ikiwa unataka miujiza iongezeke katika maisha yako, anza kukusanya mabaki na kumthamini Mpaji

UKIRI WA KINABII

Ninaishi maisha ya maongezeko na kuzidisha. Upungufu na uhitaji viko mbali na makao yangu. Mimi ni mbeba Mungu Baba mwenye miujiza mingi ambayo haitaisha kamwe. Maisha yangu yanasonga mbele na kwenda juu tu kwa jina la Yesu. Haleluya!

MASOMO ZAIDI

Mathayo 14:19-20



Matendo 17:31

“Kwa maana ameweka siku atakayowahukumu walimwengu kwa haki, kwa mtu yule aliyemchagua; naye amewapa watu wote uthabiti wa mambo haya kwa kumfufua katika wafu.”

Majaji na viongozi katika vyeo vya juu wamevikwa uwezo na mamlaka ya kuuita, kushikilia na kutoa hukumu kama neno la mwisho katika mfumo wa ulimwengu. Baadhi ya hukumu hizi zinaweza kupelekea hali ya kupona au kifo na hukumu isiyosahaulika. Biblia inakazia kwamba Mungu wetu ni Hakimu, kwa maana mahakimu wanapaswa kuhukumu. Maandiko mengine yanamwita moto ulao. Hukumu za Mungu ni safi. Hii ina maana hakuna njia ya kumuhonga Mungu ili ageuze

hukumu yake ili kukupendelea wewe. Umola Wake hawezi kifiliwa shaka, na hukumu zake hazina rufaa kwa maana maamuzi yake yako katika ukamilifu.

Haipaswi kuchukuliwa kuwa jambo la kawaida unaposhambuliwa kutoka kila upande na watu waovu, ukiwa umebanwa sana na msukosuko wa kifedha, mtafaruku wa familia, watoto kuwa wapotovu, au biashara yako kuanguka. Unahitaji wakili kushughulikia kesi yako. Unahitaji wakili anayesema imetosh. Kuna matukio na masuala ya maisha yaliyo zaidi ya akili yako ya kibinadamu. Yesu ndiye Hakimu mwenye haki ambaye atakutetea na kuhukumu kesi yako kwa hukumu ya ushindi. Hajawahi kushindwa vita, na kwa hakika, Yeye ni mtetezi wako ambaye hatawahi kushindwa kesi. Uko upande wa ushindi. Mfalme Yesu ndiye mwenye neno la mwisho, atukuzwe Mungu. Haleluya!

UKIRI WA KINABII

Kwa maana najua kwamba nina Mwamuzi mwadilifu upande wangu, siwezi kuonewa na uovu. Maisha yangu yatakuwa juu ya kawaida. Nimezaliwa ili nishinde, maana kushinda ndicho ninachokifanya kwa jina la Yesu. Amina!

MASOMO ZAIDI: Matendo 10:42

**Yohana 11:43**

“Naye akiisha kusema hayo, akalia kwa sauti kuu, Lazaro, njoo huku nje.”

Yesu alifokasi kumfufua Lazaro, pamoja na kwamba aliathiriwa kihisia na habari za kuhuzunisha. Mazungumzo kutoka kwa jamaa kuhusu mwili ulio-ozwa na kunuka haukumzuia Yesu kutoka kwenye mtazamo wake. Je, hali yako ya kifedha imekuburuza kwa kasi na umbali gani? Au ndoa imekosa tumaini kwa kiasi gani kwa mabishano na maumivu ambayo unafikiri kuwa hayastahili tena kuyapa muda wako na nguvu?

Azimio thabiti la Yesu la kuamuru jiwe liondolewe, kwa kuzingatia hali ya mwili wa Lazaro, lilikuwa la kushangaza tu. Katika hali ya kukata tamaa, Yesu alipata tumaini. Wakati wa machafuko na ghasia, Yesu hakukengeushwa kutoka kwa lengo lake. Ukweli wa Yesu kuamuru jiwe liondolewe ulipingana na matarajio ya kawaida ya wanadamu, lakini jambo lililotarajiwa lilitokea. Hii inatakiwa kuwa tabia ya kweli ya mwamini aliyejazwa na Roho. Unapojua kwamba juhudi zote za wanadamu zimeshindwa, bado kuna tumaini kwa Yesu.

Ufufuo wa Lazaro unaonyesha kwamba pamoja na Yesu, hakuna hali, bila kujali inakatisha tamaa kiasi gani, ambayo imechelewa. Wakati dhoruba kali na mabadiliko ya maisha yanapopanda juu ya matarajio yako, inuka, ujikung'ute vumbi kutoka kwenye majivu ya hasira, na upaze sauti kwa jina “Yesu!” kama Yesu alivyopiga kelele jina la Lazaro. Fahamu kwamba ushindi wako hautakuja kufupishwa kwa jina la Yesu, kama vile sauti yake inavyosikika katika uumbaji leo. Haleluya!

UKIRI WA KINABII

Natamka uzima, na ninabeba Roho mtoa uzima wa Mungu ndani yangu. Maneno yangu yana thamani, na chochote ninachotangaza kama mfoto wa Mungu kimetatuliwa. Maneno yangu yana nguvu ya ufufuo. Amina!

MASOMO ZAIDI: Yohana 11

**Mathayo 17:2**

“Akageuka sura mbele yao; Uso wake ukang’aa kama jua, na mavazi yake yakawa meupe kama nuru.”

Maandiko yetu ya leo yanaonyesha kuonekana kwa Yesu kwenye mlima wa kugeuka sura mbele ya Musa na Eliya. Manabii wa Mungu wote wawili walifanya mambo ya ajabu wakipokuwa wakitembea kwenye sayari ya Dunia. Musa alihusishwa na maji na kuokolewa kimujiza kutoka kwa maji wakati Farao alipochinja watoto wa umri wake huko Misri. Kwa upande mwingine, Eliya anahusishwa na moto alipoita moto kutoka Mbinguni, ambao uliwaua makuhani wa Baali. Wote wawili walikutana na Yesu kwenye kilele cha mlima huku wanafunzi wake Petro, Yakobo, na Yohana wakitazama.

Kugeuka sura kwa utukufu kwa Yesu kunaonyesha kwamba nguvu zote ni zake Yeye pekee. Siku zote nawaambia watu kwamba uzuri unaouona kwa kipepeo sio wa halisi kabisa. Kuna hatua na taratibu zinazohusika katika ukuaji wa kipepeo. Kwanza lilikuwa ni yai dogo la duara. Lilibadilika na kuwa kiwavi, kisha likawa pupa, na hatimaye likabadilika kuwa kipepeo. Sasa tumefuzu kutoka hatua za hali ya kawaida katika Jumuiya ya Wakristo na kutumbukia katika hatua ya ndani zaidi, ambapo kuishi kwa utukufu na ushirika wa karibu zaidi pamoja na Mungu kwenye ulimwengu na viwango vingine huzaa mgeuko-umbo. Usikubali kuwa kawaida kwa sababu wewe si wa kawaida. Mungu amekuchagua wewe kukimbia mwendo wa mwisho wa mbio za kijiti hadi unyauko, wakati wale wote waliozama ndani ya Yesu bila kutikisika watakapogeuzwa sura na kuwa katika mwili mtukufu kama Yeye. Haleluya!

UKIRI WA KINABII

Mimi ni mfano halisi wa Yesu, na viungo vyangu vya mwili ni viungo vya mwili wake. Nayaweza mambo yote katika Kristo atendaye kazi kupitia mimi. Siwezi kushindwa kamwe; ushindi ni sehemu yangu niliyokabidhiwa kwa jina la Yesu. Amina!

MASOMO ZAIDI: Marko 9:2

**Yohana 14:6**

“Yesu akamwambia, Mimi ndimi njia, na kweli, na uzima; mtu haji kwa Baba, ila kwa njia ya mimi.”

Maandiko yetu ya leo ni maneno ya Yesu mwenyewe. Hakuna kiongozi mwingine wa kidini aliyetoa dai la ujasiri kama hili: tangazo la ujasiri la kuwa njia, kweli, na uzima. Biblia imejaa kauli za Yesu akituambia Yeye ni nani. Yesu ndiye kielelezo cha upendo wa kweli, ambao ni vigumu sana kuupata siku hizi. Biblia nzima, kuanzia Mwanzo hadi Ufunuo, inazungumza juu ya Yesu. Maisha yake yalitabiriwa na kutangazwa na manabii wa kale.

Yesu ni Mfalme wa Amani. Yeye ni shina la Yese, Waridi la Sharoni, mwanzilishi na mkamilishaji wa imani yetu, shauku

ya mataifa, Baba wa milele, wa kwanza na wa mwisho, ndiye Mungu, kichwa cha Kanisa, Mtakatifu, Nuru ya kweli, Jua la haki, NIKO, Mfalme wa milele, Mfalme wa wafalme, Mwana-kondoo wa Mungu, Simba wa kabila ya Yuda, Bwana wa yote, Mpatanishi, Mungu mwenye nguvu, Mwamba wa milele, Neno la Mungu, El Shaddai, na Elohim.

Yesu Mwenyewe anaiweka hivi katika (Waebrania 10:7 KJV), “Ndipo niliposema, Tazama, nimekuja (katika gombo la chuo nimeandikiwa) niyafanye mapenzi yako, Mungu”. Yesu ndiye kitovu cha ustaarabu! Hebu tuwe waz; bila Yesu, hakuna kitu kinachoweza kuwepo, kwa kuwa, ndani yake, tuna uzima wetu, na ndani yake, tunaishi na tunakwenda. Yesu ni kila kitu! Haleluya!

UKIRI WA KINABII

Maisha yangu yapo ndani ya Yesu. Yesu ndiye chanzo cha maisha yangu, na siwezi kutikisika. Pamoja na Yesu, ninalindwa sana, natetewa na mbingu, na nimeketishwa juu sana juu ya falme na mamlaka! Haleluya!

MASOMO ZAIDI

Yohana 1



1 Mambo ya Nyakati 4:10

“Huyo Yabesi akamlingana Mungu wa Israeli, akisema, Lau kwamba ungenibarikia kweli kweli, na kunizidishia hozi yangu, na mkono wako ungekuwa pamoja nami, nawe ungenilinda na uovu, ili usiwe kwa huzuni yangu! Naye Mungu akamjaalia yale aliyoyaomba.”

Utaona katika mistari iliyo tangulia ya sura hiyo hiyo kabla ya sala ya Yabesi kwamba tuna orodha ya majina na watu wanaozaliwa. Kizazi baada ya kizazi kilichomtangulia Yabesi hakikujalisha hadi Yabesi, ambaye jina lake linaonyesha “maumivu au huzuni,” alitajwa. Kila mtu kabla ya Yabesi hakuwa na maana, lakini Yabesi alipokuja, kulikuwa na mabadiliko makubwa katika hali hiyo. Maandiko ya leo ni maombi

marefu ya Yabesi aliyomtolea Mungu wa Mbinguni! Ombi la Yabesi lilikuwa kubwa, aliweka wazi kile alichohitaji kutoka kwa Mungu na aliami ni kwamba angepokea, na kweli Yabesi alipata hitaji lake.

Ni muhimu kutambua kwamba kizazi chako kinaweza kuwa na matazito katika karibu kila eneo la maisha. Lakini thubutu kuwa mvunja laana, thubutu kuwa mvunja vikwazo, thubutu kuwa mharibu nira, thubutu kuwa mfadhili na mjasiriamali mwenye sifa ya kimataifa kwa ajili ya familia yako. Baadaye Yabesi alitwa “mheshimiwa” badala ya “maumivu au huzuni”. Mtu mstahiki huheshimika katika eneo, jamii na taifa. Ndivyo ulivyo, mshawishi ambaye atavunja uti wa mgongo wa umasikini katika familia yako, na ni njema. Haleluya!

UKIRI WA KINABII

Nimezaliwa ili kukabiliana na masuala ambayo yanasumbua familia yangu na kushinda. Mimi ni mshindi. Nina ufahamu wa Kristo, siwezi kudhulumiwa kamwe, mimi ni mshindi kwa jina la Yesu. Amina!

MASOMO ZAIDI: Marko 11:24



Luka 18:1

“Akawaambia mfano, ya kwamba imewapasa kumwomba Mungu sikuzote, wala wasikate tamaa;”

Ninashangaa ninaposikia watu wakizungumzia mambo wanayopenda. Wengine watasema hobi yao ni kusoma (riwaya/fasihi), baadhi ya michezo, kwa wengine ni kutembea tu, na wengine kwenda kupanda mlima. Hobi ni kile unachofurahia kufanya na kwa namna fulani kupata utoshelevu kwacho. Inafanywa mara kwa mara, ikiwa sio kila siku. Yesu anazungumza na wanafunzi wake na kuonyesha kile kinachopaswa kufanywa mara kwa mara nacho ni “Maombi”. Sio tu cha kila wakati lakini ni kitu kinachofurahiwa na chenye msisimko.

Jambo jema la kusitawisha mtindo wa maisha wa maombi ni kwamba unaimarisha uhusiano na mtembeo wako na Mungu. Maombi yanaweza kufanywa kwa urahisi pamoja na mambo unayopenda, kama vile kukimbia au kutembea. Huyu anazungumza na Muumba wako. Huna haja ya kutokuwa kwenye mwendo unapoomba. Pia, ni rahisi kuomba unapoendesha gari, kwa hiyo hakuna kisingizio cha kutoomba.

Ni lazima ukuze mtindo huo wa maisha wa maombi na ujione unakua katika mambo ya Roho. Maombi ni mazungumzo tu na Mungu; fikiria unapotembea au kukimbia asubuhi na kumwaga kila kitu kinachohusu maisha yako mbele za Mungu anapoelekeza njia yako. Kwa hiyo, Muujiza wako umehakikishiwa .Amina!

UKIRI WA KINABII

Ninayachukulia maisha yangu ya maombi kwa uzito sana na kuufanya moto wa mawasiliano kuwaka kila siku kati yangu na Muumba wangu. Kupitia maombi, ninateka milima na kuepuka mtego wa adui, kwa kuwa Bwana anaongoza kutoka na kuingia kwangu. Haleluya!

MASOMO ZAIDI: Luka 11:9

**Zaburi 100:4**

“Ingeni malangoni mwake kwa kushukuru, nyuani mwake kwa kusifu; mshukuruni, lihimidini jina lake.”

Maandiko ya leo yanasema ingeni nyuani mwake kwa kusifu, malangoni mwake kwa kushukuru. Ndiyo, hiyo ndiyo njia sahihi ya kuingia katika nyumba ya Bwana. Kusema kweli, ninaona watu wakija kanisani kana kwamba wamelazimishwa. Mwenendo, matamshi, na vitu vyote vinaonyesha kuwa kuna kitu hakiko sawa. Wengine huigiza huku wengine wakionyesha mlipuko wa kila kitu kisicho cha Ki-Mungu kutokea ndani yao. Ni andiko gani unatimiza ikiwa una hasira na kanisa au umeudhika kwa kuwa katika nyumba ya Bwana? Mungu hana hasira juu yako, lakini mkao wako unaonyesha kuwa una

wazimu dhidi yake.

Daima nasema kwamba kanisa ni kama kituo cha matibabu; watu wanakuja na matatizo mbalimbali wakitafuta masuluhisho ya kudumu, kwa hiyo hali ya mtu mwingine itaathirije uhusiano wako na Mungu? Ikiwa kuna shida ya ndoa, shida ya kifedha, changamoto za kazi, au vita ya kisheria, kumbuka kuwa umekuja kwenye suluhisho. Uko kwenye makimbilio kwa yule anayeweza kufanya mengi sana, zaidi ya yale ambayo unaweza kuwaza au kufikiria! Unapoingia katika nyumba ya Bwana, weka kando wasiwasi na maumivu yako na uanze kucheza mbele za Mungu kwa mfindo unaomchanganya shetani. Sherehekea na kucheza mbele za Mungu na uwe tayari kwa miujiza isiyo ya kawaida unapocheza, kupiga kelele na kusherehekea mbele za Mungu. Haleluya!

UKIRI WA KINABII

Maisha yangu ni ushuhuda. Nitashangilia na kucheza mbele za Mungu wangu kwa ujasiri. Ninajua ninayemtumikia. Mungu anapocheka ninapocheza, adui zangu wako taabani. Haleluya!

MASOMO ZAIDI: Zaburi 66:13



wasafiri.

Zaburi 91:4

“Kwa manyoya yake atakufunika, na chini ya mbawa zake utapata kimbilio; uaminifu wake ndio ngao na kigao chako.”

Usalama mara nyingi umekuwa suala kubwa katika mashirika na taasisi kubwa, na hilo lilisababisha serikali kuanzisha bodi za usalama ili kuhakikisha watu na bidhaa zinatunzwa kwa usalama na salama. Katika nyakati za kisasa, tumeshuhudia usalama kama suala kubwa katika hatua ya kimataifa. Wasafiri wengi sasa wanakubali hatua zozote zinazowe kwa kwenye viwanja vya ndege, haswa ikiwa hatua hizi zinafanywa kwa jina la “usalama”. Baadhi ya hoteli hata hutekeleza itifaki za usalama. Katika viwanja vya ndege, ni udhalilishaji kwa mikanda yetu kuondolewa na viatu kuvuliwa ili kutekeleza na kuimarisha usalama kwa

Cha kusikitisha ni kwamba, tunaona uduni wa hatua hizi huku magaidi wakiendelea kusababisha maafa kwa watu wasio na hatia. Je, tuko salama kiasi gani basi? Maandiko ya leo yanasema, “Kwa manyoya yake atakufunika, chini ya mbawa zake utapata kimbilio, Uaminifu wake wake ni ngao na kigao.” Pale watu wanapokuwa wanategemea zaidi juhudi zao na hekima ya kidunia, na Mungu anaondolewa kwenye mlingano huo, tunaona taabu isiyoelezeka. Mungu anapaswa kuwa kitovu. Yeye ndiye mlinzi, ngao, na kigao chetu. Uko salama katika Kristo. Mungu hutumia mambo ya kipumbavu ya dunia ili kuwaaibisha wenye hekima. Inamaanisha kwamba chochote ambacho hekima ya kibinadamu hupuuza na kuitupilia mbali, Mungu anaweza kukitumia kuhakikisha ulinzi kamili kwako na kwa nyumba yako.

UKIRI WA KINABII

Ninao malaika waliopewa jukumu la kunitunza na kunilinda kutoka na kuingia kwangu. Siko peke yangu, mazingira yangu yamehifadhiwa salama, na Mungu akiwa upande wangu, Hakuna anayeweza kunihujumu kwa jina la Yesu. Amina!

MASOMO ZAIDI: Ayubu 5:19

SCRIPTURE PASSAGE FOR PROTECTION

ISAIAH 54:

14 I AM BUILD SOLID, GROUNDED IN
RIGHTEOUSNESS,
FAR FROM ANY TROUBLE—NOTHING TO
FEAR!
FAR FROM TERROR—IT WON'T EVEN COME
CLOSE!

15 IF ANYONE ATTACKS ME,
I WILL NOT THINK FOR A MOMENT THAT
GOD SENT THEM,
AND IF ANY SHOULD ATTACK ME,
NOTHING WILL COME OF IT.

16 GOD CREATED THE BLACKSMITH
WHO FIRES UP HIS FORGE
AND MAKES A WEAPON DESIGNED TO KILL.
HE ALSO CREATED THE DESTROYER—

17 BUT NO WEAPON THAT CAN HURT ME
HAS EVER BEEN FORGED.
ANYONE WHO ACCUSES ME
WILL BE DISMISSED AS A LIAR.
I AM GOD'S SERVANT SO THIS IS WHAT I CAN
EXPECT
GOD WILL SEE TO IT THAT EVERYTHING
WORKS OUT FOR THE BEST FOR ME."

THIS IS WHAT GOD SAYS TO ME AND
IT WILL NOT FAIL IN JESUS'S NAME!



HAVE YOU RECEIVED JESUS CHRIST YET?

WE INVITE YOU TO MAKE JESUS CHRIST
THE LORD OF YOUR LIFE BY PRAYING THIS PRAYER;

“O LORD GOD, I COME TO YOU IN THE NAME OF JESUS CHRIST.
I BELIEVE WITH ALL MY HEART IN JESUS CHRIST, SON OF THE
LIVING GOD. I BELIEVE HE DIED FOR ME AND GOD RAISED HIM
FROM THE DEAD. I BELIEVE HE’S ALIVE TODAY. I CONFESS WITH
MY MOUTH THAT JESUS CHRIST IS THE LORD OF MY LIFE FROM
THIS DAY. THROUGH HIM AND IN HIS NAME, I HAVE ETERNAL
LIFE; I’M BORN AGAIN. THANK YOU LORD, FOR SAVING MY
SOUL! I’M NOW A CHILD OF GOD. HALLELUIAH!”

CONGRATULATIONS! YOU ARE NOW A CHILD OF GOD.

TO RECEIVE MORE INFORMATION ON HOW YOU CAN GROW
AS A CHRISTIAN, PLEASE GET IN TOUCH WITH US ON

UK: +44 3333 448 612

USA +1 240 781 6942

RSA +27 51 004 0209



The Good News World Helplines

USA: +1 (240) 781-6942

UK: +44 333 344 8612

RSA: +27 (51) 004-0209

www.goodnewsworld.com